

30. marts 2003

UPA 2003/08

**Inatsisartut Naalakkersuisullu pillugit Inatsisartut inatsisaata
allanngortinneqarneranik Inatsisartut inatsisissaattut siunnersuut**

pillugu

Inatsisartut Inatsisit Atortinneqarnerannut Ataatsimiititaliaata

ISUMALIUTISSIISUTAA

inatsisissatut siunnersuutip aappassaaneernejarnerani saqqummiunneqartoq

Inatsisartut Inatsisit Atortinneqarnerannut Ataatsimiititaliaat suliarinninnermini
ukuninnga inuttaqarpoq:

Inatsisartuni ilaasortaq Isak Davidsen, Atassut, siulittaasoq
Inatsisartuni ilaasortaq Ole Dorph, Siumut, siulittaasup tullia
Inatsisartuni ilaasortaq Enos Lyberth, Siumut
Inatsisartuni ilaasortaq Ane Hansen, Inuit Ataqtigiiit
Inatsisartuni ilaasortaq Astrid Fleischer Rex, Demokraatit

Inatsisartut Inatsisit Atortinneqarnerannut Ataatsimiititaliaata Inatsisartut
Naalakkersuisullu pillugit Inatsisartut inatsisaata allanngortinneqarneranik
Inatsisartut inatsisissaattut siunnersuut siullermeerlugu oqaluuserineqareermat
nassuiaatitai ilanngullugit misissuataarpaa.

Inatsisartut ataatsimiititaliaasa allat suliamut peqataatinneqarnerat

Siunnersuummik ataatsimiititaliap suliarinninnerminut atatillugu Inatsisartut
Landskarsip Naatsorsuutaasa Kukkunersiorneqartarnerannut Ataatsimiititaliaq
(Kukkunersiuinermut Ataatsimiititaliaq) qinnuigaa siunnersuut
oqaaseqarfigeqqullugu.

Kukkunersiuinermut Ataatsimiititaliap akissutaata nuutinnera isumaliutissiisummut
matumunnga ilanngunneqarpoq.

Siunnersuutip imarisai

Siunnersuut marlunnik immikkoortorta qarpoq: Siunnersuut atorlugu ilaatigut Kukkuersiui nermut Ataatsimiititaliap ingerlatsinermik kukkuersiuisinnaaneranut inatsisitigut erseqqilluinnartumik tunngavissiisoqassaaq. Ilaatigut Inatsisartut ataatsimiissutaasa imaqarniliorneqarnerisa tama-nut saqqummiunneqartarneri pillugit maleruagassat erseqqissarneqassapput.

2002-mi upernaakkut ataatsimiinnermi Inatsisartut aalajangerpaat Naalakkersuisut maleruagassanik atuuttunik allanngortitsinissamut siunnersuummik saqqummiusseqqullugit peqquneqassasut, taamaalilluni Kukkuersiui nermut Ataatsimiititaliap ingerlatsinerup kukkuersiui ffigineqarsinnaanerata aallartinneqarnissaanut inatsisitigut erseqqissumik tunngavissinneqarnissaa pilersinneqassammat. Tamatuma peqatigisaanik Namminersornerullutik Oqartussat aktiaatilittut inissisimanerannik Naalakkersuisut isumaginninnerannut killissarititaasut patajaallisarneqarnissaanik aammalu Inatsisartut tamatuminnga nakkutilliinerata patajaallisarneqarnissaanik saqqummiusissussamik suleqatigiissitamik pilersitsisoqassasooq natsisartut aalajangerput.

Inatsisartut inatsisissaattut siunnersuutikkut matumuuna Inatsisartut aalajangigaat Naalakkersuisut malippaat, tassuunalu Kukkuersiui nermut Ataatsimiititaliap ingerlatsinermik kukkuersiui nissamut tunngavissamik erseqqilluinnartumik qulakkeeriffigineqarluni.

2002-mi upernaakkut ataatsimiinnermit Inatsisartut aalajangigaata sinnera pillugu Inatsisit Atortinneqarnerannut Ataatsimiititaliap oqaatigissavaa suleqatigiissitamik pilersitsisoqarsimaoq, taassumalu Namminersornerullutik Oqartussat aktiaatilittut inissisimanerata Naalakkersuisunit isumagineqarneranut killissarititat Inatsisartullu tamatuminnga nakkutilliisuunerat qanoq ilillugit patajaallisarneqarsinnaanersut kissaatigineqartutut misissoqqissaarneqarnissaa aallartissimagaa. Naatsorsuutigineqarpoq suleqatigiissitap misissuieqqissaarnera siunnersuutini arlalinnik tigus-saasunik, tassungalu ilanngullugu pisariaqarneratut annertussusilimmik inat-sisiliornerut suliniutinut siunnersuutiniq ineqarumaartoq. Suliassap annertussusia pisariussusialu eqqarsaatigalugit suleqatigiissitap misissuieqqissaarnerminik naammassinnissinnaalernissaata tungaanut piffissamik atuisariaqarnissaaq naatsorsuutigineqartariaqarpoq. Inatsisilli Atortinneqarneranut A-taatmiititaliap maluginiarpaat siunnersuutip siullermeerlugu oqaluserineqarnerani Namminersornerullutik oqartussat aktieselskabiutaasa paasisaqarfigineqarsinnaanerata pillugu Kukkuersiui nermut Ataatsimiititaliap oqartussaaffiata piaartumik annertusineqarnissaa kissaatigineqartoq arlalinnit annertuumik pingaartillugu oqaatineqarmat. Ukiakkut ataatsimiinnissaaq tullegg nallertinnagu apeqqut taanna pillugu tamakkiisuunngitsumik isumaliutissiissuteqarnissaaq suleqatigiissitamit ajornanngitsutut isigineqassagaluarpat tamanna Inatsisit Atortinneqarnerannut Ataatsimiititaliap ilassilluassavaa.

Suliamili Kukkunersuinermit Ataatsimiititaliap 2000-imi oktoberimi nalunaarusiaatigut aal-lartinneqartumi siunnersuutitut saqqummiunneqartoq alloriarneruvoq siulleq pingaartoq. Taman-na alloriarnerujumaartullu Kukkunersuinermit Ataatsimiititaliap isumaliutersuutaa annertuumik kinguneraat, taamaalillunilu Kalaallit Nunaanni tamat oqartussaaqataanerini, inatsisartoqarnerup inatsiseqarnerullu ineriartornerini Kukkunersuinermit Ataatsimiititaliap annertuumik tunniussaqrpoq, tamannalu nersorneqartariaqrpoq.

Taamatut oqaaseqarnermit ilanngullugu Inatsisit Atortinneqarnerannut Ataatsimiititaliap pissu-sissamisoortutut isigalugu Naalakkersuisut qujassuteqarfiginiarpai, Naalakkersuisut Inatsisartut kissaatigisaannut tunniussimalluarlutik ilassinnilluarlutillu pimmeta, aammalu Kukkunersuinermit Ataatsimiititaliap oqartussaaffiisa maleruagassatigut tunngavigisaasa iluarsivigineqarnissaanik anguniagaqarfiusumik suleqataammata.

Taamatuttaaq Inatsisit Atortinneqarnerannut Ataatsimiititaliap Inatsisartut ataatsimiissutaasa imaqarniliorneqarnerisa tamanut saqqummiunneqartarneri pillugit maleruagassat erseqqissarneqarnissaanik Naalakkersuisut siunnersuutaat Inatsisit Atortinneqarneranut Ataatsimiititaliap isumaqatigaa.

Taamaammat ataatsimiititaliap isumaqatigiittup siunnersuut Inatsisartunit akuersissutigeqqullugu inassutigaa.

Inatsisartut Inatsisit Atortinneqarnerannut Ataatsimiititaliaata taama oqaaseqarluni siunnersuut aappassaaniigassanngortippaa.

Isak Davidsen

Ole Dorph

Enos Lyberth

Ane Hansen

Astrid Fleischer Rex

Ilanngussaq (Qarasaasiatigut pigineqanngilaq)